

GOIKOETXIA iosulagunak :

"...Marrazkiak oso politak, egun-egungoak. "Zepenie"(azpeitiarrez esateko) onela ibilli bear au!(Multikopistaz-eta ibilli bear izatea). Bestela, gere kasa, geren eskuz ba'genbiltza, "Yakin" "mutikoa" aterako zenduten plazara.

Nere iritziz (besterena beste)"Yakin"ek obe luke olerkirik edo literatur-idaztirik ez artu; alde batetik, ori filosofi-teologi sallari ez dagokiolako; eta bestetik, eta batez ere, euskeraren onari begiratuta; "EGAN"i eta EUZKO-GOGOIA"ri kalte egin dezaietelako. Euskereakiko, gure bultzada guztiak zuzenbide bat eta jomaga bat bear dutela deritzait: Eusko Piskundea, alegiña. EGAN eta EUZKO-GOGOIA beren orriak bete eziñik eta beren egunean irten eziñik dabiltzala ematen du, eta ori ez da gaia geiaegizka dutelako izango iñolaz ere; orregatikan, ba, YAKINÉk bere igitai aien zaillean ez sartzea obe, nere iritziz. Gai oiek g o r a g o t i k, "ERTI" diraden aldetik, filosofiak begiz eta "txirikartetik", dagozkie "YAKIN"i, berriz ere, nere iritziz.. "

A.B. BERRIOTXOAK :

"...Iritzia YAKIN'eri buruz: dibujuak egoki egiten yataz. Modernuak eta egokiak...Bibliographilari bezela, oi dan bezelako portadarik eztaukola konturatzen naiz. Ezta konbeni izango bearbada. Estu ipintzen nun argitaratzen dan. Urterik ere ez. Ezpada konbeni, estu inporta: bibliographilari bezela konturatzen naiz gauzatxo onekin. Gaiak, oso ederrak eta batzuk sakonak ere bai, ondo pentsatu eta ondo egiñak. Onela jarraitzen ba-du, laister entzute aundiko aldizkaria izango da YAKIN dudarik gabe. Zenbat-eta Ordena eta Congregaziño geiagoren praile izenak agertu, obe izango da. Balore edo entzutr aundiagoa emango dautso orrela, eta danen artean propaganda geiago egingo genduke..."

A. ZABALA iosulagunak :

"...YAKIN" jaso genduan. Txit gustokoa zaigu. Nit trakurri nuan eta ordabil gelaz-gela emengo euskaldunei atsegin gozoena biotzean sarturikan...Nere iritzian, YAKIN' en lanak, geienak beintzat, oker txiki bat zeukaten izkeraz. Geieigi igertzen zaie euskeraren gramatika ikasi-berriak

daudela, gramatika ta batez ere aditza. Ori da gazteok, danak edo geienak daukagun gaitza. Nere ustean probetxu aundia artuko zuten gure sermolari zarren itzaldiak ta beste gai-  
eñerako idatziak irakurriaz. Kontrako gaitza daukate aiek sa-  
rritan, zea: gramatika exkasa. Gramatika exkasa ta bizia opa-  
ro. Gramatika ta bizitasun ori dirade, ba, izkera baten  
gorputz ta anima. Orregatik aurrera mundin egingo dute. Ba-  
ñan dana dala, nere ustez denbora izango da gaitz orren me-  
dikurik abillena arkitzen. Urte asko gabe gure erriaren artu  
emarekin aldatuko du nork bere izkera pixka bat beste legera.  
Onezkeru pentsatuta zaude emengo nere esanak konformetxo dau-  
dela nere orko itzaldiaren asmoekin. Alaxe da. Auek esan aurretik  
pentsatu det guztiz errexa litzaidakela gorralpenak beste-  
rik ez esatea, baña nere iritziaren kontrako itzak ez lirake  
izango joko-garbi ta zuzenaren legeak. Oaitz txiki ta txepel  
au ez-zik, danak dira txalogarri. Ta oraindiano konfiantza  
osoarekin mintzatu ba naiz, ez naiz noski orain asi mingaña-  
ri gezurrezko trabak ipintzen..."

DONOSTIKO apaizgaiak :

"YAKIN'en ALKAR-IZKETA saillerako.

I . ASMOA:-

"Euskerari txertaturiko mentu ernegarria" gerta dedin eran YAKIN moldatzea, oso asmo bikaña. Txalo ta txalo zueri! Garo-usaiz gañera, jakintz-usaia bear du euskerak. Egi-egia. Nola, ordea, lorju?

Jakin-mintzairari buruzko auzia gerorako utziaz, "asmoa"ren alderdia astertu nai genduke ta "asmo" ori bera aberastu. Mentu-berri-txertatzez gañera, ta bidc batez, egin genezaken zerbait adierazi nai genduke. Izan ere YAKIN'en idazleok, Eliz-gizon edo Jainko-gizon gera, naiz-erlijio-etxe-ko ta naiz ez. Ba dugu, beraz, basterrera ezifinezko eginkizuna ere: elistarrerri, erri-xumeari erakutsi. Au onela izaki, al-dera bat: ez al genezazke geroko apostolu-langintzarako tresnak zaildu, goxotu, legundu? Itz batean, gertutu? Au teolo-giaz mintzi geranean, baitikbait. Jakiña, ezin askatu erri ez-ikasiari ulertu dezaigukeneraño xamurtzea guzia da beti. Bañan alderdi au gogoan artuz, beti beti izkeraz ere goienik-  
goien ibiltzea -au beste sailleharako- baño hidezkoago de-